



明傳仔

幾年前，我有寫過阿掌伯的故事，伊蹠佇阮厝邊，閣是庄裡上蓋散赤的家庭，生活恰一般人無全，所以我有真深的記持，嘛有久久的數念，這馬，我就來換寫個囝明傳仔的故事。

阿掌伯有兩個後生，一个蹠臺北，另外一个猶綴佇身軀邊，就是明團仔。明傳仔是破相(phuà-siùnn)的人，袂當討趁，阿掌伯為著欲照顧這個無上正(bô-tsiünn-tsiànn)的囝，一直攏恰伊蹠做伙，老老爸飼老囝。

明傳仔的症頭是雞盲(ke-biang)，就是華語的『夜盲症』，這款人日時看有、暗時看無，算是半青盲啦！所以阮攏佇尻川後叫伊「青盲明傳仔」。

早當時，阿掌伯佇個厝裡開一間簍仔店，賣糖仔餅仔恰桶酒，桶酒是大酒桶貯米酒，四五十年前，做月內的家庭會車一桶轉去煮麻油酒雞，有錢的酒仙仔會搭一矸轉去嚇幾日仔，無錢的酒鬼就來買一杓仔(tshiàh-á)現嚇。明傳仔青盲叮嚙(tshenn-mê-tin-tang)，猶原會曉搭酒(tah-tsiú)賣酒，會曉顧店，伊荏荏馬(lám-lám-bé)嘛有一步踢。

伊的生理真稔，不管時攏嘛是關門門戶(kuainn-mîng-tshuànn-hōo)，阮欲買物，就愛「明傳仔！明傳仔！」叫規晡，伊才寬寬仔對厝內底行來店頭應門，按呢看來，伊算是古早的「無便利商店」，毋過，卻是我上捷交關(siāng-tsiáp kau-kuan)的簍仔店。

後來我出外讀冊食頭路，就幾十年無見面。有一工，我看伊厝門開開，就入去恰伊開講，才知影阿掌伯幾年前過身，伊現時是家己煮、家己炆(ka-kī-tsí ka-kī-pû)，佳哉現此時社會較進步，伊會當領著政府的補助金，社工人員不時會來巡，學生志工嘛會來捫掃(piànn-sàu)厝內，看來猶原生活甲好勢好勢，人講「一枝草，一點露」，明傳仔猶原好尾梢(hó-bué-sau)。

十外年前，明傳仔佇老人院過身，厝嘛賣予別人，阿掌伯恰明傳仔就成做(tsiànn-tsò)我心內的古早人矣！

作者：邱文錫

☆詞彙學習☆

【破相】phuà-siùnn：殘障

【無上正】bô-tsiünn-tsiànn：不健全

【青盲叮嚙】tshenn-mê-tin-tang：瞎眼或視力極差

【搭酒】tah-tsiú：用酒杓將酒從酒桶取出，也可用做買酒

【上捷交關】siāng-tsiáp-kau-kuan：最常光顧

【家己煮、家己炆】ka-kī-tsí ka-kī-pû：自己料理生活

【好尾梢】hó-bué-sau：好的晚年